



"Yeroo dhinuunichi murteeffaanu sheyxaauni ni jedha,
"Dhugumatti, Rabbiiin waadaa dhugaa isinif waadaa galee jira.
Ani waadaa isinif galee garuu isin game. Ani aangoo wayitun
isinirattihin qabut turee isin afeern (waamu) malee. Isinis naaf
awaatthan. Kanaafu am hinc komatinan ofunu (matama) keessan
komadhuu. Ani isinif birmataan mitii isinis naaf birmataan mitii.
Ani waau isin duraa [Rabbitti] na qindeesitan mornmeera.
Dhugumatti zaalintootaf (miidhaa rawwatootaf) adablii
lalessatu isaauiifjira."
Al-Qur'an, Suuratul Ibrahim 14:22

Falmii Warra Ibiddaa

Description

Waaâ€™ee Guyyaa Qiyaama itti fufuun warri ibidda seenan falmii akkami akka adeemsisan muraasa isaanii haa ilaallu. Falmiin kuni falmii geeybii dhugaadhaan gara fuunduraatti dhufuudha. Sababni isaas, odeeefannoo Rabbal aalamiina irraa dhufeedha. Geeybi jechuun wanta dhokataa namarraa fagoo taâ€™ee yookiin ammatti ijaan kan hin argine yookiin sammuu fi qaamoleen miiraa bira gahu kan hin dandeenyedha. Haguuggin ilma namaa fi geeybi jidduu jiru wantoota afur keessaa tokko ykn hunda isaanitu taâ€™u dandaâ€™u. Haguuggin kunniniis: (1). Yeroo darbee fi kan dhufu, (2) fagaachu bakka, (3) dadhabbinna qaamolee miiraa fi (4) girfoon jiraachu. Wanti darbee fi gara fuunduraatti dhufu namaaf geeybidha.[1]Fakkeenyaf, seenan ummata darbee nuuf geeybidha (dhokataadha). Guyyaan Qiyaamas gara fuundurraatti waan dhufuuf yeroo ammaa kanatti geeybidha. Ammas, wanti tokko bakka fagoo yoo jiraate ykn girfoon wantichaa fi nama jiddu yoo jiraate, wanti suni geeybidha. Akkasumas, miiran bira gahuu kan hin dandeenya geeybidha. Fakkeenyaf, Rabbiin (subhaanahu wa taâ€™aalaa) miirri keenya Isa bira gahuu waan hin dandeenyef nuti Isa arguu hin dandeenyu. Garuu wanti Rabbiin irraa dhokataa taâ€™u tokkollee hin jiru. Wanta hundaa ni arga, ni beeka waan taâ€™eeef.

Wanti ijaan arginu baayâ€™ee xiqqoodha. Namni â€œWanta hundaa ijaan argee mirkanefachu qabaâ€¢ jedhee mormuun haqa fudhachuu yoo dide, mataa ofii qofa miidha. Falmiin Guyyaa Qiyaamas wanta geeybi taâ€™eedha. Ammatti ijaan kan hin argine garuu gara fuunduraatti kan dhufuudha. Kuni shakkii hin qabu. Rabbiin waan hundaa beeku kitaaba Ergamaa Isaa (SAW) irratti buusun waa nutti beeksiseef. Wantoota geeybi kanniin mallatoodhaan ykn odeeefannoo dhugaan beeku dandeenya.

Amma gara mata duree keenyatti haa deebinu. Rabbiin (azza wa jalla) ni jedha:

وَبَرَزُوا لِلَّهِ جَمِيعًا فَقَالَ الْضُّعَفَاءُ لِلَّذِينَ أَسْتَكْبَرُوا إِنَا كُنَّا
 لَكُمْ تَبَعًا فَهَلْ أَنْتُمْ مُغْنُونَ عَنَّا مِنْ عَذَابِ اللَّهِ مِنْ شَيْءٍ قَالُوا لَوْ
 هَدَنَا اللَّهُ هَدَنَا كُمْ سَوَاءٌ عَلَيْنَا أَجْرٌ عَنَّا أَمْ صَبَرْنَا مَا لَنَا



من مَحِيصِ

â€œ[Guyyaa Qiyaamaa] hundii isaanitu Rabbiin fuunduratti bahu (mulâ€™atu). Dadhabdoonni warra boonaniin ni jedhu, â€œDhugumatti nuti hordoftoota keessan turre. Sila isin adabbii Rabbiirraa waan tokkoo nurraa deebisuu dandeessu?â€ [Isaan boonanis] ni jedhu, â€˜Osoo Rabbiin nu qajeelche silaa nutis isin qajeelchinaa turre. [Harâ€™a] obsinus obsuu baannus narratti waluma qixa. Iddoon baqannaal tokkos nuuf hin jiru.â€™â€ Suuratu Ibraahim 14:21

Aayaa tana akka nuuf ibsu Sayyid Quxbitti gadi haa dhiisnu [2]:

Daangaa darbitoontta taâ€™an, dadhabdoonni, isaan waliin sheyxaannni, ergasii warroonni amananii fi hojji gaarii hojjatan hundi isaanitu ni mulâ€™atu. Dhugumatti, isaan yeroo hundaa Rabbitti ni mulâ€™atu. Garuu yeroo kanatti haguuggi isaan haguugu, dhoksu fi eegu akka hin jirre ni hubatu. Isa fuunduratti mulâ€™atan, haguuggin irraa kaâ€™e, mariin jalqabame:

Warroonni dadhaboon warroota boonaniinakkana jedhu: â€œDhugumatti nuti hordoftoota keessan turre. Sila isin adabbii Rabbiirraa waan tokkoo nurraa deebisuu dandeessu?â€ dadhabdoonni isaanumatu dadhabdoota! Amala barbaachisa ilmaan namaa Rabbiin biratti kabajamaa isaan taasisu warroota gadi dhiisaniidha. Amalli isaan gadi dhiisan kunis amala bilisaan yaadu, amanuu fi filachuuti. Mataa ofii jallatoota fi of-tuultootaaf hordoftoota (gabroota) taasisan. Rabbii Tokkichaaf buluu dhiisaniidhaa angaa darbitoota kanniinif akka gabraa bulan. Dadhabbiin kuni uzrii (sababa) hin taâ€™u.

Dhugumatti yakka isaaniti. Rabbiin ilmi namaa dadhabaa akka taâ€™u hin fedhu. Akka eeggumsaa Isarraa barbaadanii fi gargaarsa argatan [gara Isaatti] namoota waama. Eenyullee jaallates jaallatu baates qooda bilisummaa namni ittiin kabajamuu akka dhaban Rabbiin hin barbaadu. Humni meeshaa hanga fedhe haa guddatu, nama bilisummaa fi kabaja ilma namaa qabaachu barbaadu gabra godhachuu hin dandaâ€™u. Guddate guddatu wanti humni kuni godhu qaama irratti aangoo argachuudha. Ni rakkisu, ni dararu, ni hidhu. Garuu hidda, ruuhi fi sammuu hidhuu, salphisuu hin dandaâ€™an. Namtichi ofiin hidhaa fi salphinnaaf yoo itti of kenne malee.

Eenyutu dadhabdoota kanniin amantiin, yaada fi adeemsan akka of-tuultoota (boontota) hordofan dirqisiisaa? Eenyutu dadhabdoota kanniin Rabbiin ala kan biraatiif akka bulan isaan taasisaa? Nafsee isaanii dadhabdu tan taate malee enyullee isaan hin dirqisiisne. Isaan dadhabdoota kan taâ€™anifii daangaa darbitoota caalaa humna meeshaatin xiqaawaa waan taâ€™anifii miti, yookiin beekkamtiin, qabeenyanii fi sadarkaan xiqaawaa waan taâ€™anifii miti. Kuni dhiibban isaa xiqaadha! Kunniin wanta

gubbaa mulâ€™atanii fi isaan dhabuun dadhabinna dhugaati jechuu miti. Kana irra, isaan dadhabdoota kan taâ€™aniif dadhabbinna ruuhi, qalbii fi sammuu isaanii keessa jiruudha.

Warrooni dadhaboon baayâ€™eedha, oftuultonni immoo xiqqoodha. Akkamitti baayâ€™een warra lakkoofsan xiqqoof gabra taâ€™u? Maaltu isaan gadi xiqqeessa? Wanti isaan gadi xiqqeessu ruuhin dadhabuu, himmaan (ol fageessanii yaadun) kufuu, miirri kabajaa xiqqaachu fi kabaja Rabbiin ilma namaatif kenne irraa buâ€™uudha.

Dhugumatti jallattooni namoota baayâ€™ee gabra godhachuu hin dandaâ€™an namoonni kunnin yoo fedhan malee.

Waltajji aakhiraatti warroonni dadhabdoonni oftuultotaan akkana jedhu: **â€œDhugumatti nuti hordoftoota keessan turre. Sila isin adabbii Rabbii irraa waan tokkoo nurraa deebisuu dandeessu?** â€œ dhugumatti isin hordofuun kunoo gahuumsa laalessaa (badaa) kana geenye jirraâ€!

Oftuultoonis; **Osoo Rabbiin nu qajeelche silaa nutis isin qajeelchinaa turre.** Jechuun deebisuuf. Maaliif nu ajiifattu wanta wal fakkaatu dhandhamaa osoo jirru? Nuti mataa keenyan qajeelcha hordofuun isin jallinnatti hin dhiisne. Osoo Rabbiin nu qajeelche silaa qajeelchatti isin geessinaa turre akkuma yeroo jallanne san jallinnatti isin geessine. Jecha sayyid addaan kutuun wanta itti dabaluun qaba.

Namoonni kunnii qajeelcha kan dhabaniif isaantu karaa jallinaa hordofe. Osso gara Rabbii deebiâ€™anii silaa Rabbiin isaan qajeelcha ture. Ragaan kanaa:

Jedhi â€œDhugumatti, Rabbiin nama fedhe ni jallisa, nama [tawbaan gara Isaatti] deebiâ€™e immoo gara Isaatti qajeelcha.â€ Suuratu ar-Raâ€™ad 13:27

Qajeelchi fi jallinni sababa qaba. Rabbiin beekumsa fi ogummaa Isaatin nama fedhe ni jallisa nama fedhe immoo ni qajeelcha. Garuu Rabbiin sababa tokko malee nama hin jallisu. Namtichi sababa nama jallisu yoo hojjate, Rabbiin jallinna keessatti isa dhiisa. Fakkeenyaf, sheyxaana hordofuun hojii badaa hojjachuu yoo itti fufe, namtichi ni jallata. Ragaan kanaa:

â€œOduu nama Aayaata (mallatoole, keeyyattoota, barnoota, ragaa ifa bahaa) Keenya isaaf keniinaan [Aayaata] irraa bahee ergasii sheyxanni isa hordofee fi jallatoota irraa taâ€™ee isaaniif odeessi. Odo feenee isaaniin (Aayaata keenyan) ol isa kaasnaa turre. Garuu inni gara dachiitti dabe, fedhii lubbuu isaas ni hordofe. Fakkeenyi isaa akka fakkii saree yoo ariite arraba baasuu, yoo dhiistes arraba baasuuti. Kuni fakkeenyi ummata Aayaata keenya kijibsiisaniiti. Akka isaan xinxallaniif jecha seenaalee odeessi.â€ Suura Al-Aâ€™araaf (7):175-176

Kanaafu, wanti asirraa hubannu namtichi aakhiraan dhiise addunyaa tana jaallachuun yommuu fedhii lubbuu hordofu, sheyxaanni isa hordofee daandii haqaa irraa jallise. Namtichi gara Rabbii dhugaan waan hin deebineef, Rabbiin jallinna irratti isa dhiise. Osso gara Isaa deebiâ€™ee silaa ni qajeelcha ture.

Namoonni jallatanii namoota biroo jallisaniis kanumaan wal fakkaatu.

Falmiin namoota jiddu erga xumurame booda, sheyxaanniakkana jechuun falma:
â€œYeroo dhimmichi murteefame sheyxaanni ni jedha, â€œDhugumatti, Rabbiin waadaa dhugaa isiniif waadaa galee jira. Anis waadaa isiniif galee jira garuu isin gane. Ani aangoo wayituu isinirratti hin qabuu turee isin affeero (waamu) malee. Isinis naaf awwaattan. Kanaafu, ana hin komatinaa ofuma (matama) keessan komadhaa. Ani isiniif birmataa mitii, isinis naaf birmatoo miti. Ani waan isin duraan [Rabbitti] na qindeessitan mormeera. Dhugumatti zaalimtootaf (miidhaa raawwatootaaf) adabbii laalessaatu isaaniif jira.â€ Suuratu Ibraahim 14:22

Warri jannataa jannata seenun warri ibiddaa ibidda seenun dhimmichi yommuu murteefame sheyxaanni ni jedha; **â€œDhugumatti, Rabbiin waadaa dhugaa isiniif waadaa galee jiraâ€** Kana jechuun arraba Ergamtootaa irratti waadaa dhugaa isiniif galee jira. Nama Rabbiif bulee fi Ergamtoota hordofee nageenyi fi milkaâ€™inni (jannanni) akka jiru waadaa galee jira. Waadaan kunis waadaa dhugaati. **â€œAnis waadaa isiniif galee jira garuu isin ganeâ€** waadaa kiyya isiniif hin guunne, nan diige. Akkuma Rabbiin jedhe:



يَعِدُهُمْ وَيُمَنِّيهِمْ وَمَا يَعِدُهُمُ الشَّيْطَانُ إِلَّا غُرُورًا

â€œIsaaniif waadaa seena, isaan hawwisiisa. Sheyxaanni gowwomsaa malee isaaniif waadaa hin seenu.â€ (suuratu An-Nisaa 4:120)

(Wanti sheyxaanni waadaa namaaf seenu baayâ€™eedha. Fakkeenyaf, addunyaa keessatti eenyulle isin hin mooâ€™atuu Muslimtoota irratti duulaa. Amanti hordofuu yoo dhiistan guddinnaa fi qaroominna guddaa irra geessan. Addunyaa ni tooâ€™attu. Yeroo duâ€™atti ykn jaarsumatti dhiyaatte ni tawbatta, amma maaltu si mudde?â€ fi kkf isaaniin jechuun waadaa gowwomsaa isaaniif seena.) Guyyaa Qiyaamaa dhimmichi yoo murteefame, sheyxaanni isaan gana. Ni jedha, **â€œAni aangoo wayituu isinirratti hin qabuu tureeâ€** Asitti aangoo (sulxaana) jechuun ragaadha. Gara wanta isin itti waamutti ragaa qabatamaa fi dhugaa hin qabu ture. Waadaa isiniif galaa tureef mirkanefannaan dhugaa hin jiru. Ragaa tokko malee isin waame. Isinis waamicha kiyya ni awwaattan. **â€œKanaafu [harâ€™a] ana hin komatinaa (hin ajiifatinaa) matama (ofuma) keessan komadhaa (ajiifadhaa).â€** Ragaa Ergamtooni isinitti fidan faallessu fi soba ani isin itti waamaa ture waan hordoftaniif badiin (zanbiin) keessani. **â€œAni isiniif birmataa mitii isinis naaf birmatoo miti.â€** kana jechuun rakkoo amma keessa jirtan kanarraa isin baraaru fi gargaaru hin dandaâ€™u. Isinis na baraaru hin dandeessan. **â€œAni waan isin duraan [Rabbitti] na qindeessitan mormeera.â€** Rabbiin waliin na qindeessu keessan irraa ani bilisa. Ani Rabbiif shariika (hiriyaa) miti. Naaf ajajamuun isin irra hin jiru ture. **â€œDhugumatti zaalimtootaf (miidhaa raawwatootaaf)â€** kana jechuun warra haqa irraa garagaluun soba hordofan, miidhaa raawwataniif fi sheyxaanaf tole jedhaniif **â€œadabbii laalessaatu isaaniif jira.â€** **[3][4]**

Guduunfaa

âœZNamni warroota jallattoota fi boontota hordofu boru adabbii badaatu isa dhaqqaba. Fakkeenyaf, misooma kaafirtootaa ilaalun namni Islaama gadi dhiise boru adabbii isa/ishii qunnamuuf itti

gaafatamumma kan fudhatu isuma /ishima.

âœŽ Jallattooni fi daangaa darbitooni sammuu fi qalbii nama irratti aangoo hin qaban.

âœŽSheyxanni ragaa qabatamaa ittiin nama jallis u hin qabu. Garuu wanta san namatti bareechisuun itti waama. Ergasii namoonni isaaf awwaatu. Fakkeenyaf, Rabbii gaditti wanta biraa gabbaruu ragaa maalii qabaa? Iyyasuus Gooftaa taâ€™uu ragaan qabatamaan jiraa? Gonkumaa ragaan dhugaa fi qabatamaan hin jiru. Kijiba namoonni uuman malee.

âœŽSheyxanni wanta badaa ykn faaydi hangas mara hin qabne nama hawwisia. Ergasii badii hamatti nama geessa. Kanaafu, namni qaruuten sheyxana hin hordofu.

âœŽBarruu tana irra deebiâ€™ani dubbisuun daran akka namaaf galuu taâ€™a.

Kitaabban wabii:

[1] Zaahirul Nifaaqi wa khabaaâ€™isul munaafiqiin fii taarikh-1/372, Abdurahmaan Hasan Madiniyy

[2]Al-Qiyaamatul Kubra-fuula 131-134â€!, by Umar Suleymaan Al-Ashqar

[3] Tafsiir ibn Kasiir- 4/489-490, Daaru Xaybaa

[4] Taysirul Kariimil Rahmaani fii tafsiiri Kalaamil Mannaani, Abdurahman bin Naasir Saâ€™diyyi-fuula 492, Daaru salaam

Date Created

February 28, 2018

Author

admin